



## CAPVT II.

## §. I.

*L. 20. C. de poen. Gratiano vindicata, expensis reprobatisque aliorum sententiis, qui vel Valentinianum, vel Theodosium eius auctorem faciunt.*

**A**nte vero, quam vltcrius progrediamur, recte atque ordine facturi esse videmur, si, recitatis Legis illius, in vniuerso Codice celeberrimae, verbis, cui illa tamquam vero auctori adscribenda sit, relictis omnibus diligentius disquiramus. Verba igitur *L. 20. C. Iust. de poen. ex L. 13. C. Theod. eod.* sine vlla interpolatione aut corruptione desumpta, haec sunt:

IMPPP. GRATIANVS, VALENTINIANVS ET THEODOSIVS AAA. FLAVIANO PRAEFECTO PRAETORIO ILLYRICI ET ITALIAE.

*Si vindicari in aliquos seuerius, contra nostram consuetudinem, pro caussae intuitu, iusserimus: nolumus statim eos aut subire poenam, aut excipere sententiam: sed per triginta dies super statu eorum sors et fortuna suspensa sit. Reos sane excipiat vinciatque custodia, et excubiis sollertibus vigilantiter obseruet. Dat. XV. Kal. Septemb. Veronae, Antonio et Syagrio Coss.*

Iam